

O pa'aliwacan no kongkoan

Comod han ko kongkoan no mako, ilawac no sacomod a lalan, 'akawakawang kakahakahad ko papah no 'afinong, ano mafeliw no fali ko papah no 'afinong i, satawataway sa a mawingawing, mahecad o sapihpih a nengnengen. I likot no pahanaan ira ko kahengangay, kaliyalaway, koetimay ko cengel no falo, makapah a nengnengen ko kahirahira no cengel no falo, misa efeefer ko 'adipangpang ato fitengal itira i falofaloan. I satatenokan no kacomikayan ira ko kakahaday a rengos to mipalomaan, sakangdaw sa a nengnengen, maolah ko 'ayam a malalepelepel misalama itira, mitortor i rengorengosan a mikilim to mamakaen a fao.

O kongkoan no mako toloay ko kasariwariwang, cecay riwang limaay ko kasatongeroh. To pa'aliwacan, monihar saho ko romi'ad to papacem, 'aloman to ko tamdaw i kacomikayan no kongkoan, irato ko malitengay a misarakarakat miyatayat to tatirengan, o roma i, mipakontaway a onto, o roma a winawina, itira i rengorengosan pahonien nangra ko laciw a misa 'iwa'iwaiw masakero, o roma i, 'alomanay ko tamdaw to cecay kasafontay, mahecad malacecay ko kaci riko' nangra a masakero.

To kakereman no romi'ad, micerem to ko cidal, irato ko mimaliay, o

comi kayay, o roma i, malahakelongay to fufu a misarakarakat i kacomikayan, kami hanto o masakapotay a mitiliday, masasowal to widang tayni i kogkoan a mi salama, tira i hangaloan no kongkoan minengneng misa'osi to tilid.O dadaya sato, sa'aloman sato ko miontoay a tamdawtayni i kongkoan, o marorayay matayal to romi'ad cangra, maherek malafi misarakarakat a mionto to tatirengan ta masekay ko roray. O i ngataay a malafiyaway ato mala widangay, o nga'ayay kasa'opohan nangra to romi'ami'ad a malaholoholol, misacaciyaw itini tona kongkoan.

O pipasifana'an no singsi to saka latamdaw saka tongal no fenek itini i kongkoan, o pinanaman haca no mako to sakacitaneng a matongal ko fana'. To pa'aliwacan a romi'ad, cowa ka awa ko tamdaw to tayniay i kongkoan misalama, o romi'ad sahetu o ngiha no wawa ko matatengilay, ato rarawraw no pisa'osi ato pisalama a matatawatawa. Masalafii to ko dadaya, awaay to matengil ko rarawraw no pisalama no wawa, sahetu to o lipahak no malitengay a mitatawa ko matengilay. O kasa'opohan no malitengay a misacaciyaw itini.

假日的校園

對學校的喜愛與校園環境。學校周圍有大王椰樹，樹葉像大扇子隨風搖曳，花圃裡的花朵吸引著蝴蝶和蜜蜂。運動場上有綠油油的草地，小鳥在草地上覓食。假日的校園依然充滿活力，清晨，爺爺奶奶們在跑道上練太極或舞木劍，婆婆媽媽跳著土風舞，還有群體做健康操。傍晚時分，人們跑步、打羽毛球，爺爺帶著孫子散步，孩子們在教室裡讀書，校園成為大家放鬆的場所。學校不僅是學習知識的地方，也是大家交流與休閒的空間。